

इवनिंग डोगरी न्यूज़ बुलेटिन

समे .18:15 Hrs

Headlines

1. मुखमन्त्री उमर अब्दुल्ला होरें जम्मू-कश्मीर गी पोलियोमुक्त बनाने लेई सरकार दी बचनबद्धता गी फही पक्का कीता। उनें बच्चे दे भविष्य गी सुरक्षित रखने लेई सेहत कर्मियें दे अनथक जत्नें दी सराहना बी कीती।
2. सेहत मंत्री सकीना इत्तू होरें अज्ज गांधीनगर थमां पूरे जम्मू-कश्मीर च पल्स पोलियो अभियान दी शुरूआत कीती, इस मौके पर उनें गी आपूं पोलियो दियां बूदां बी पलाइयां।
3. कश्मीर च खाद्य सुरक्षा गी बढ़ावा देने लेई भारती खाद्य निगम दी पैहली खेप अन्न-दाना लेइयै अनंतनाग पुज्जी।
4. पीर की गली थाह भारी बर्फबारी होने करी मुगल रोड गड्डियें दी आओजाई लेई आरजी तौरा पर बंद।
5. ते भारती मौसम विभाग नै अगले 2 दिनें तगर जम्मू-कश्मीर सने पच्छमी हिमालयाई क्षेत्र च बर्फबारी दी पेशगोई कीती ऐ।

<><><><><><>

CM-Pulse Polio

अज्ज पल्स पोलियो अभियान दे मौके पर मुखमन्त्री उमर अब्दुल्ला होरें अभिभावकें गी गुजारिश कीती ऐ जे ओहू इस गल्लै गी यकीनी बनान जे 5 साल तगर दीउम्री दे हर इक न्याणे गी नेइमें बूथ पर पोलियो दी खुराक दिती जा। पोलियो मुक्त जम्मू-कश्मीर लेई सरकार दी बचनबद्धता गी फही पक्का करने होई उनें न्याणें दे भविष्य दी हिफाजत आस्तै सेहत कर्मियें ते स्वयंसेविएं आसेआ कीते जा'रदे अनथक जत्नें दी सराहना बी कीती।

<><><><><><>

Pulse-Polio

सेहत मंत्री सकीना इत्तू होरें अज्ज राष्ट्री टीकाकरण दिवस दे मौके पर सरकारी अस्पताल गांधीनगर थमां पूरे जम्मू-कश्मीर च पल्स पोलियो अभियान दी शुरूआत करोआई। इस अभियान गी सेहत मंत्री होरें न्याणें गी आपूं पोलियो दियां बूदां पलाइयै शुरू करोआया। किट्टु गी संबोधत करदे होई मंत्री सकीना इत्तू होरें जम्मू-कश्मीर गी पोलियो मुक्त बनाई रखने लेई नियमित तौरा पर बच्चे गी पोलियो दी खुराक देने ते सामुदायिक भागीदारी दी महत्वपूर्ण भूमिका पर लोऽ पाई। उनें आखेआ इस्सै दरान पल्स पोलियो टीकाकरण अभियान गी अज्ज जम्मू खित्ते दे होरनें हिस्से च बी आधिकारिक तौरा पर शुरू कीता गेआ जिंदे च पुंछ, राजौरी, रियासी ते उधमपुर बी शामिल न। पुंछ च इस अभियान दी शुरूआत करदे होई डिप्टी कमिशनर अशोक कुमार होरें दस्सेआ तोआई, राजौरी च इस कार्यक्रम दा उद्घाटन जिला विकास परिशद राजौरी दे प्रधान नसीम लियाकत होरें कीता। आकाशवाणी समाचार कन्नै गल्ल करदे होई उनें आखेआबाईट.....

इस्सै चाल्ली रियासी च बी डिप्टी कमिशनर निधि मलिक होरें 5 बरें दी उम्री दे बच्चे गी पोलियो दियां बूदां पलाइयै इस अभियान दा औपचारिक तौरा पर उद्घाटन कीता। इस अभियान दे इक हिस्से दे तौरा पर कटड़ा रेलवे स्टेशन ते दर्शनी गेट सने कटड़ा च भीड़भाड़ आहली थाहें पर बशेश पल्स पोलिया टीकाकरण बूथ कायम कीते गे न। तोआई, उधमपुर च इस अभियान दी शुरूआत करदे होई अतिरिक्त डिप्टी कमिशनर प्रेम सिंह होरें आखेआबाईट.....

<><><><><><>

Fright Train Kashmir

कश्मीर च खाद्य सुरक्षा गी बढ़ावा देने दे मकसद कन्नै एफ.सी. आई भारती खाद्य निगम दी पहली माल गड्डी अज्ज अनंतनाग चीजें-बस्तें आहले टर्मिनल पर पुज्जी। अजीतवाल रेलवे स्टेशन थमां भेजी गेदी इस रेल च ढकोए दे 21 डब्बें च 1,384 टन अनाज ऐ। इस गैंड कन्नै घाटी टकोहदा करियै दूर-दरेडे इलाकें च विजन रूकावट ते सस्ती सप्लाई यकीनी बनोग। अफसरें दस्सेआ जे रेल ट्रांसपोर्ट तेज ते सस्ता होग जेदे करियै करसानें दे अलावा गाहकें गी बी लाह पुज्जोग ते मकामी बजारें दे कन्नो-कन्नो अर्थबवस्था बी तगड़ी होग। समूलचे कश्मीर च इस चाल्ली दियें अनाज आहिलियें माल गड्डियें गी विस्तार देने दियां स्कीमां चला'रदियां न जेदे कन्नै माल ढोआई ते सप्लाई चेन बेहतर बनी जाडन।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश राश्ट्री करसान दिवस-2025 दे मौके पर 25एं मिनटें दा इक विशेष कार्यक्रम पेश करोग। इस विशेष प्रसारण दा विशेषार होग 'राश्ट्र गी खुराक देने आहले हत्थें गी सलाम'। इस कार्यक्रम दा प्रसारण मंगलवारें 23 दिसंबर गी दपैहरी 12 बजे कीता जाहग। इस विशेष प्रसारण च स्हाढे परौहने होडन कृषि उत्पादन ते करसान कल्याण मैहकमे दे संयुक्त निदेशक श्री संजय आनंद, जेहडे कार्यक्रम दे विशे पर अपने माहिराना विचार स्हाढे कन्नै सांझा करडन। कार्यक्रम दी मेजबानी स्हाढे एंकर विजय बजाज होर करा करदे न। इस चाल्ली दे होर सूचना प्रदान करने आहले प्रसारणें गी तुस आकाशवाणी समाचार जम्मू दे मीडियम वेव 303 मीटर यानि 990 किलोहर्ट्ज ते एफ.एम 103 मेगाहर्ट्ज पर सुनी सकदे ओ।

<><><><><><>

Mughal Road

पीर की गली थाह भारी बर्फबारी होने करी मुगल रोड गड्डियें दी आओजाई लेई आरजी तौर पर बंद होई गई ऐ, जेदे करी कश्मीर घाटी ते पीर पंचाल खित्ते च यातायात प्रभावित होआ ऐ। प्रशासन नै एहतियात दे तौर पर रस्ते गी बंद करी दित्ता ऐ। ट्रैफिक अधिकारियें दा आखना ऐ जे उच्चियें धारें पर लगातार बर्फबारी करी खास करी पीर की गली थाह बर्फबारी मगरा शिडक पर तलैट बधी गई ऐ, दूर तगर नजरी औने च मुश्कल होआ'रदी ऐ जेदे चलदे यातायात असुरक्षित होई गेआ ऐ। शिडक परां बर्फ हटाने दा कम्म मौसम ठीक होने मगरा कीता जाहग। प्रशासन नै लोकें, सैलानियें ते ट्रांसपोर्टरें गी आखेआ ऐ जे ओहू अगली जानकारी तगर मुगल शिडक पर यात्रा नेई करन ते प्रशासन आसेआ जारी हिदायतें दी पालमा करन। इस बारै होर जानकारी दिंदे होई राजौरी-पुंछ सर्कल दे डी.एस.पी ट्रैफिक शिव कुमार होरें आखेआ

<><><><><><>

Weather

भारती मौसम विभाग नै अगले 2 दिनें तगर पच्छमी हिमालयी इलाकें च बर्फबारी दी पेशगोई कीती ऐ। मौसम विभाग नै आखेआ ऐ जे अज्ज जम्मू-श्मीर ते लद्दाख च बक्ख-बक्ख थाहरें पर भारी बर्फबारी होई सकदी ऐ। विभाग दा आखना ऐ जे जम्मू-कश्मीर दी उच्चियें थाहरें पर हल्की थमां दरम्यानी दर्जे दी बर्फबारी होई सकदी ऐ। मैदानी इलाकें च हल्की थमां दरम्यानी बरखा पौने दी मेद ऐ। कल 22 दिसंबर गी टामी-टामी थाहरें पर बड्डे पैमाने पर बरखा ते बर्फबारी होने दी पेशगोई कीती गई ऐ।

<><><><><><>

Railway Fair Rationalization

रेलवे नै इस म्हीने दी 26 तरीक थमां अपने किराएं गी युक्तिसंगत बनाने लेई गैंऽ पुट्टी ऐ। नमें सिरिआ तैय किराएं मुजब आम श्रेणी आहले वर्ग च 215 किलोमीटर तगर दे सफर लेई लगने आहले किराएं च कोई बाद्दा नेई कीता गेआ ऐ। 215 किलोमीटर थमां बढ़ आहले सफर लेई फ्ही पैसा किलोमीटर स्हाबै बढ़ाया गेआ ऐ। विजन ए.सी ते एक्सप्रेस रेलें च इस किराएं च दो पैसा फ्ही किलोमीटर स्हाबै बाद्दा कीता गेआ ऐ। रेलवे नै ए.सी श्रेणी च दो पैसे फ्ही किलोमीटर स्हाबै बाद्दा कीता ऐ। एहदे च इब्बी दस्सेआ गेआ ऐ जे सब अर्बन ते सीजनल टिकट च बी कोई बाद्दा नेई कीता गेआ ऐ।

<><><><><><>

MIETY-Whatsapp Hijack

इलेक्ट्रानिक्स ते सूचना प्रौद्योगिकी मंत्रालय नै इक चेतावनी जारी करदे होई दस्सेआ ऐ जे घोस्ट पेयरिंग नाऽ दे इक कैपेन दा इस्तेमाल Whatsapp अकाउंटें गी हैक करने लेई कीता जा'रदा ऐ। मंत्रालय मुजब साइबर अपराधी विजन कुसै मंजूरी दे पेयरिंग कोड दा इस्तेमाल करियै Whatsapp दे डिवाइस लिंकिंग फीचर राएं Whatsapp खातें गी हैक करा करदे न। एह धोखाधड़ी आम तौरा पर उसलै शुरू होंदी ऐ जिसलै तुसेंगी कुसै जानकार दे नम्बर परा कोई फोटू भेजेआ जंदा ऐ ते इसी दिक्खने दी अपील दा मैसेज आंदा ऐ। इस मैसेज च इक लिंक हुंदा ऐ जेहड़ा फेसबुक आंडर दे प्रिव्यू कन्नै होंदा ऐ ते अगगे फोन नंबर कन्नै जुड़ी दी इक वेरीफिकेशन प्रक्रिया बक्खी लेई जंदा ऐ। इस चाल्ली अपराधी गी विजन पासवर्ड या सिम स्वैप कीते दे Whatsapp दी पूरी एक्सेस हासल होई जंदी ऐ। मंत्रालय नै लोके गी आखेआ ऐ जे इस चाल्ली दे कुसै लिंक या मैसेज पर क्लिक नेई करन।

<><><><><><>

PGKO-Ramban

खरे प्रशासन सरबन्धी सप्ताह-2025 जिला प्रशासन रामबन आसेआ लोके तगर पुज्ज बनाने लेई 'प्रशासन गांव की ओर' तैह्त् कई सारी थाहें पर शिविर लाए जा'रदे न। एहदा मकसद सरकारी सेवाएं दी पुज्ज हर इक व्यक्ति खासतौर पर दूर-दरेडे इलाके च रौहने आहले व्यक्ति तगर पुज्ज बनाना, जवाबदेह ते नागरिक आधारित प्रशासन लोके दे घरे कोल-कश उपलब्ध करोआना ऐ। इनें जनेय शिविरें च लोके गी रौं-रियासतें, दोआर कर्ज, जि'यां किसान दोआर कार्ड, अपने कारोबारी इदारे कायम करने आस्तै सहायता वगैरा दी बी जानकारी दिती जा'रदी ऐ। इस बारै होर जानकारी सांझा करदे होई जिला भिडु पालन अधिकारी डॉ. शब्बीर अहमद खान होरे आखेआबाईट.....

<><><><><><>